



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«16» օգոստոս 2021թ.

No 111-4/50488-2021

ՔԱՂԱՔԱՑԻ ԿԱՐԻՆԵ ՄԻԽԱՅԻԼԻ ՀԱՐՈՒԹՅՈՒՆՅԱՆԻՆ
ՀԱՍՑԵ՝ ՔԱՂԱՔ ԵՐԵՎԱՆ, ԴԱՎԹԱՇԵՆ 4 ԹՂՄ., Շ. 11, ԲՆ. 2 Ա

Հարգելի տիկին Հարությունյան

Հայտնում ենք Ձեզ, որ 03.03.2021 թվականին Հայաստանի Հանրապետության պետական եկամուտների կոմիտեի և ֆիզիկական անձ Արմեն Քաջիկի Ահարոնյանի (ՀՎՀՀ՝ 20015773, անձնագիր՝ AP0574314, տրված՝ 24.08.2016թ., 001-ի կողմից) միջև կնքվել է պարտավորությունների աստիճանական մարման ժամանակացույց՝ 9.270.706 դրամի չափով, 9 ամիս ժամկետով: Ի ապահովումն Արմեն Քաջիկի Ահարոնյանի ժամանակացույցով նախատեսված պարտավորությունների կատարման՝ Հայաստանի Հանրապետության պետական եկամուտների կոմիտեի, Արմեն Քաջիկի Ահարոնյանի և Կարինե Միխայելի Հարությունյանի (անձնագիր՝ AM 0878346, տրված՝ 24.09.2012թ., 001-ի կողմից, հասցե՝ ք. Երևան, Դավթաշեն 4 թղմ, շ. 11, բն. 2Ա) միջև կնքվել է շարժական գույքի գրավի պայմանագիր, համաձայն որի գրավադրվել է Կարինե Միխայելի Հարությունյանին սեփականության իրավունքով պատկանող 12.000.000 ՀՀ դրամ շուկայական արժեքով INFINITI QX 56 մակնիշի շարժական գույքը:

Արմեն Քաջիկի Ահարոնյանի կողմից ժամանակացույցով սահմանված 2021թ. հուլիս ամսվա համար նախատեսված վճարումը չի կատարվել և ժամանակացույցը խախտվել է:

26.02.2021 թվականին կնքված շարժական գույքի գրավի պայմանագրի 2.2 և 2.3 կետերի համաձայն գրավառուն իրավունք ունի.



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

2.2. գրավի առարկայի հաշվին լրիվ ապահովել իր պահանջները՝ կապված գրավով ապահովված պարտավորությունները չկատարելու կամ ոչ պատշաճ կատարելու հետ, ինչպես նաև հատուցում ստանալ հաշվարկված տուժանքների և վնասների դիմաց.

2.3. Հայաստանի Հանրապետության օրենսդրությամբ նախատեսված դեպքերում պահանջել գրավով ապահովված պարտավորության վաղաժամկետ կատարում:

Հայաստանի Հանրապետության հարկային օրենսգրքի 437-րդ հոդվածի 4-րդ կետի համաձայն՝ հարկ վճարողի կողմից իր հարկային պարտավորությունները չկատարելու դեպքում հարկային մարմինը իրավունք ունի այդ պարտավորությունները մարելու՝ ի հաշիվ գրավադրված գույքի՝ «Դատական ակտերի հարկադիր կատարման մասին» Հայաստանի Հանրապետության օրենքով սահմանված կարգով:

Հայաստանի Հանրապետության հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման առաջին իսկ խախտման դեպքում հարկային մարմինը խախտման օրվանից հետո՝ 10 աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:

Միաժամանակ հայտնում ենք, որ Հայաստանի Հանրապետության հարկային օրենսգրքի 437-րդ հոդվածի 12.1-ին մասի համաձայն ներկայացվող գրավոր պահանջն արդեն իսկ ուղարկվել է հարկ վճարողին:

Նույն օրենսգրքի 437-րդ հոդվածի 12.2-րդ մասի համաձայն՝ հարկ վճարողի կողմից գրավով ապահովված՝ չկատարված հարկային պարտավորությունները ենթակա են կատարման այդպիսի պահանջը հարկային մարմնից ստանալուց հետո՝ երեք աշխատանքային օրվա ընթացքում:

Միաժամանակ հայտնում ենք, որ նույն օրենսգրքի 437-րդ հոդվածի 13-րդ կետի համաձայն՝ հարկ վճարողի կողմից սույն հոդվածի 12.2-րդ մասում նշված ժամկետում իր պարտավորությունների չկատարման կամ մասնակի կատարման




դեպքում հարկային մարմնի այդ պահանջը սահմանող փաստաթուղթը համարվում է անբողոքարկելի վարչական ակտ, որից հետո հարկային մարմինը գրավի պայմանագիր կնքած անձի նկատմամբ կարող է կիրառել անբողոքարկելի վարչական ակտերի համար Օրենսգրքով նախատեսված հարկային պարտավորությունների հարկադիր կատարման ընթացակարգերը:

Սույնով տեղեկացնում ենք, որ Հայաստանի Հանրապետության պետական եկամուտների կոմիտեն սկսել է 26.02.2021 թվականի կնքված շարժական գույքի գրավի պայմանագրով նախատեսված պարտավորություններն ի հաշիվ գրավադրված գույքի մարելուն ուղղված գործողություններ:

ՀԱՐԳԱՆՔՈՎ

 Recoverable Signature



ԱՐՄԱՆ ՄՆԱՏԱԿԱՆՅԱՆ

ԻՐԱՎԱԲԱՆԱԿԱՆ

Signed by: MNATSAKANYAN ARMAN 2012760074

ՎԱՐՉՈՒԹՅԱՆ ՊԵՏ

ԱՐՄԱՆ ՄՆԱՏԱԿԱՆՅԱՆ

Կատարող՝ Գայանե Թադևոսյան
Հայաստանի Հանրապետության պետական եկամուտների կոմիտեի
իրավաբանական վարչության հարկադիր գանձման
և պարտավորությունների կատարման ապահովման բաժին
հեռ. 011 549191 /91-47/



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ